

Plataspidinae quattuor novae,

descriptae ab E. Bergroth in Forssa (Finnland).

1. *Brachyplatys flavosparsus* n. sp.

Late ovatus, leviter convexus, supra minus dense perspicue punctatus, niger, aeneo-micans, capite, pronoto (parte basali media excepta), corio scutelloque latera versus strigulis et maculis parvis irregularibus flavis conspersis. Caput subtus pallide flavens, limbo nigro, rostro fusco-ferrugineo, antennis fuscis, articulo basali pallide testaceo. Prothorax ante medium utrinque leviter transversim impressus, margine toto nigro. Scutellum mox intra marginem lateralem et posticum linea impressa instructum, margine angusto libero flavo, uniseriatim fusco-punctato. Pectus opacum, nigrum, acetabulis anticis atque prosterno antice et lateribus pallide flaventibus, remote fusco-punctatis, callo laterali metasterni fulvo. Abdomen subtus longitudinaliter strigulosum et remote punctulatum, nigrum, aeneo-nitens, limbo laterali et intra hunc fasciis duabus lateralibus intus abbreviatis omnium segmentorum flavis, fusco-punctatis, segmento sexto medio laevi. Pedes pallide testacei, femoribus fusco-punctatis et prope apicem vittulis tribus brevibus, una supera, una utrinque laterali, fuscis ornatis, tibiis fusco-lineatis. Long. ♀ 8 mm.

Patria: Borneo. — Coll. Fallou.

Pictura in hoc genere insolita a congeneribus distinctissimus.

2. *Coptosoma respersum* n. sp.

Late ovatum, supra pallide flavens, ima basi capitis nigricante, macula utrinque basali capitis ocellum includente et basi tyli fusco-ferrugineis, pronoto et scutello acervatim nigro-punctatis, pectore nigro, exceptis acetabulis et orificiis et limbo postico metasterni flaventibus, ventre nigro-aeneo, margine laterali et mox intra hunc maculis binis, quarum anteriore majore, omnium segmentorum, margine apicali segmenti sexti segmentoque genitali toto feminae pallide flaventibus, antennis, rostro pedibusque pallide flavidis, illis summo apice fusciscentibus. Caput laeviusculum, latitudine distincte brevius, ante oculos angustatum, apice obtusum, jugis antice vix convergentibus, tylo percurrente, rostro apicem segmenti tertii ventralis fere attingente. Pronotum intra marginem apicalem linea impressa nigra instructum, hac

linea intra margines laterales continuata et ibidem punctata, disco ante medium fasciis duabus angustis undulatis transversis et vitta fasciam posticam cum apice pronoti conjungenda nigris signato, fascia antica solum medio, fascia postica tota punctata. Scutellum callo transverso basali linea distinctissima impressa nigra a disco discreto instructum, pone medium planato-declive. Pars libera costalis corii pallida, uniseriatim nigro-punctulata. Abdomen subtus obsolete punctatum et strigulosum. Tibiae sulco distincto destitutae. Long. ♀ 4.1 mm; lat. 3.5 mm.

Patria: Java. — Coll. mea.

Cum nulla specie confundendum.

3. *Coptosoma mundum* n. sp.

Latissime breviter ovatum, nigrum, macula jugorum, summo apice tyli, basi labri, capite basi subtus, maculis duabus ante medium pronoti, hujus marginibus lateralibus anticis (pone medium breviter interruptis), maculis quattuor transversis basalibus scutelli, quarum externis minutis internis magnis, hujus limbo postico et laterali (hoc mox ante medium desinente), limbo costali corii, macula coxarum anticarum, margine laterali et macula obliqua intralaterali segmentorum ventralium flavis, limbo flavo scutelli minute fusco-punctato, antice utrinque in maculam triangularem, ad apicem scutelli in maculam transversam rectangulam dilatato, pictura flava corporis ceteroquin impunctata. Caput amborum sexuum conforme, antice late rotundatum, tylo percurrente, jugis apice distantibus, antennis fusco-nigris, articulis duobus primis et dimidio basali tertii testaceis, rostro piceo-flavo. Pronotum parcius minute latera versus distinctius punctatum, mox ante medium linea transversa minus distincta et intra margines laterales anticos linea obliqua impressis praeditum. Scutellum parce sat fortiter, basin versus medio multo subtilius et remotius punctatum, apice vix (♀) vel distinctissime (♂) sinuatum, linea transversa arcuata impressa basali distincta. Abdomen subtus subseriatim punctatum, segmento ultimo ventrali medio laevi, segmento genitali maris medioeri. Pedes piceo-testacei, tibiis teretibus. Long. ♂ 3.9 mm, lat. 3.6 mm; long. ♀ 4.1 mm, lat. 3.9 mm.

Patria: China (Hyen-hang-li). — Coll. Reuter.

Ad divisionem s Ståli pertinens. *C. nobili* Dohrn affine, sed longe aliter coloratum; etiam *C. semiflavo* Jak. subsimile, sed minus picturaque corporis bene distinctum.

4. *Coptosoma lascivum* n. sp.

Subquadratum, aequè longum ac latum, nigrum, jugis (summo margine excepto), pronoti limbo laterali et vitta obliqua intra hunc postice cum limbo conjuncta, maculis duabus apicalibus, maculis duabus ante medium disci transversis subarcuatis cum vitta intramarginali anguste cohaerentibus guttaque intra angulos laterales, scutelli maculis duabus transversis basalibus et limbo fere usque ad basin, margine laterali maculaque obliqua intramarginali segmentorum ventralium flavis, his signaturis laevibus, sed limbo flavo scutelli fusco-punctato. Caput laeviusculum, ante oculos angustatum, apice angustius rotundatum, tylo percurrente sed antice angustato, jugis apice leviter distantibus, rostro flavo-piceo, antennis testaceis (art. ultimus deest). Pronotum latera versus mox ante medium transversim leviter impressum, marginibus lateralibus anticis nonnihil rotundato-ampliatis, disco subtiliter punctato, mox pone maculas transversas antemedianas atque inter limbum antico-lateralem et vittam intramarginalem fortius punctato. Scutellum parcius subtiliter basin versus medio subtilissime punctatum, apice (♂) sat profunde sinuatum, in medio sinus denticulo armatum, linea impressa subbasali distincta. Abdomen subtus transversim subseriatim punctatum, segmento genitali maris permagno, dimidia crassitudine corporis altiore, subtus basi subito profunde sinuato. Pedes flavo-testacei, coxis piceis, tibiis teretibus. Long. et lat. ♂ 2.9 mm.

Patria: China (Hyen-hang-li). — Coll. Reuter.

Praecedenti affine, at multo minus, aliter pictum, scutello in mare apice denticulo munito ac magnitudine et structura segmenti genitalis valde insigne. *C. blandulo* Walk. pictura sat simile.

Nota. In Bull. soc. ent. Fr. 1881, pag. XLI Signoret *Coptosoma nigriceps* Sign., qui Africam occidentalem habitat, etiam e China attulit. Procul dubio false determinatum.

ZOBODAT - www.zobodat.at

Zoologisch-Botanische Datenbank/Zoological-Botanical Database

Digitale Literatur/Digital Literature

Zeitschrift/Journal: [Wiener Entomologische Zeitung](#)

Jahr/Year: 1892

Band/Volume: [11](#)

Autor(en)/Author(s): Bergroth Ernst Ewald [Evald]

Artikel/Article: [Plataspidinae quarttuor novae. 171-173](#)